

CONVOCATORIA DE PROXECTOS DE INNOVACIÓN EDUCATIVA 2022

Aprobada en Comisión Permanente de 1 de outubro de 2021

1. INTRODUCCIÓN E OBXECTIVOS

A docencia é unha misión fundamental da Universidade e como tal precisa do máximo apoio institucional na procura da súa excelencia. Para isto é precisa a valoración xeral da propia actividade docente, o recoñecemento dos esforzos de renovación e mellora por parte do profesorado neste ámbito e o fornecemento da innovación docente. Por isto, a Facultade de Ciencias da Educación e do Deporte realiza a presente convocatoria de proxectos de innovación educativa.

O obxectivo deste programa é apoiar proxectos encamiñados ao deseño e implantación de accións de innovación educativa na docencia da Facultade de Ciencias da Educación e do Deporte de Pontevedra. Preténdese fomentar a aplicación práctica das innovacións desenvolvidas e a súa transferencia.

Por medio desta resolución se convocan estas subvencións para actuacións que se desenvolvan durante o ano 2022.

2. PRESENTACIÓN DE PROXECTOS

Os equipos deberán estar formados cando menos por **cinco membros do PDI a tempo completo con docencia maioritaria** na Facultade de Ciencias da Educación e do Deporte. Tendo en conta o cumprimento do anterior requisito, poderán ademais formar parte do equipo outros membros do PDI con docencia na Facultade de Ciencias da Educación e do Deporte ou persoal investigador en formación do centro. Poderá participar como colaborador persoal externo. Cada persoa só pode formar parte dun proxecto.

A persoa solicitante será a investigadora principal do proxecto e deberá ser un membro do PDI con docencia maioritaria no centro.

As solicitudes para participar axustaranse ao modelo que figura como Anexo I. As persoas interesadas deberán presentar tamén unha memoria do proxecto segundo as instrucións do Anexo II desta convocatoria.

O prazo para presentar esta documentación rematará **o 1 de novembro de 2021**, e deberá realizarse a través do rexistro da Secretaría do Decanato da Facultade de Ciencias da Educación e do Deporte, dos rexistros auxiliares ou dos medios establecidos na Lei 39/2015, de 1 de outubro, do procedemento administrativo común das administracións públicas.



Tamén **se deberá enviar unha versión electrónica dos anexos I e II** ao correo sdexbp@uvigo.es dentro do prazo de presentación de solicitudes.

Entre os posibles ámbitos de actuación para as accións que se presentarán están:

- Deseño e implantación de novas estratexias e técnicas didácticas.
- As TIC e a súa aplicación na docencia.
- Intervencións educativas innovadoras.
- Metodoloxías de avaliación adaptadas ao EEES.
- Axenda 2030, Green Campus e Campus CREA.

Non se financiarán desenvolvementos puramente tecnolóxicos.

Para a xestión, avaliación, revisión e seguimento do programa formarase unha comisión formada por:

1. O Sr. Decano da Facultade de Ciencias da Educación e do Deporte, ou persoa en quen delegue, quen presidirá a comisión.
2. O Sr. Vicerreitor do Campus de Pontevedra, ou persoa en quen delegue.
3. O Sr. Vicerreitor de Ordenación Académica e Profesorado, ou persoa en quen delegue.

Efectuada a valoración, publicarase a listaxe provisional de axudas aprobadas e denegadas, para que no prazo de cinco días hábiles se presenten as reclamacións oportunas. Transcorrido o dito prazo, publicarase a relación definitiva de estudos concedidos.

3. DURACIÓN E DOCUMENTACIÓN FINAL

As actuacións desenvolveranse durante o ano 2022. A data límite para achegar a memoria final do proxecto e a documentación para os pagamentos (Anexos III e IV) é o **14 de novembro de 2022**.

A memoria final terá formato de artigo de innovación educativa cunha orientación divulgadora, cunha extensión de entre 3000 e 6000 palabras (Anexo V). Irá precedido dun resumo en castelán ou galego dun máximo de 150 verbas e 3-5 palabras clave. O título, o resumo e as palabras clave incluíranse tamén en inglés. Ao realizarse solicitude de proxecto as persoas solicitantes aceptan que se publique o devandito artigo con licenza Creative Commons CC BY-NC-ND (Recoñecemento - Non Comercial - Sen Obra Derivada).

4. RECURSOS E GASTOS SUBVENCIONABLES



Cada proxecto pode solicitar un máximo de 3000 € de financiamento. A dotación estará suxeita á disponibilidade orzamentaria.

As subvencións imputaranse ao orzamento do ano 2022 e deberanse dedicar exclusivamente a:

- Adquisición de material inventariable e non inventariable.
- Servizos de reprografía.
- Pago de conferencias.

5. CRITERIOS DE AVALIACIÓN DAS SOLICITUDES

As solicitudes serán avaliadas para valorar a súa calidade científico-académica seguindo os seguintes criterios:

- Necesidade da acción e obxectivos formulados: ata 30 puntos.
- Metodoloxía e plan de traballo: ata 15 puntos.
- Coherencia á adecuación do orzamento: ata 15 puntos.
- Plan de implantación práctica, impacto potencial e transferencia de resultados: ata 20 puntos.
- Valoración do Curriculum Vitae do equipo de investigación no referente á Innovación Educativa: ata 20 puntos.

Pontevedra, 1 de outubro de 2021

O decano

**GARCIA GARCIA
OSCAR -
05911572C**

Firmado digitalmente por GARCIA GARCIA
OSCAR - 05911572C
Nombre de reconocimiento (DN): c=ES,
serialNumber=IDCES-05911572C,
givenName=OSCAR, sn=GARCIA GARCIA,
cn=GARCIA GARCIA OSCAR - 05911572C
Fecha: 2021.10.02 10:32:19 +02'00'

Óscar García García

